

Пионермүд—түүмрин харулчнрин

НОКДМҮД

Шидрхн ВЛКСМ-н балгъсна комитетд, балгъсна школмуд-ин сургъульчнрин комсомольск организацсин сеглätрмүдин болн ах пионервожатмудин хург болв. Тер хурт балгъсна түүмрин харулин строевой командир үр Шарманджинов орлцад, түүмр күүнд ямаран түүрү үзүлдгин тускар келäd, эн аюлас гетлхд өмнäsнь ямаран белдвр кегдлгиг цäälгъдж өгв.

Комсомольцнр болн пионермүд түүмр унтралгънд дөнъгән күргдж бäасн учрар, ода хавр ирдж йовх цагла, түүмрин өмнäs кегдх кöдлмшиг сäәнär бүрдäхин эркд, пионерск түүмрин дружинмүд тогтах төр, эн хург деер күүндгдв.

Ода балгъсна дундин хойр болн долан джилä гурвн школмудар түүмрин дружинмүд

бүрдäгдв. Школмуд болгънд тäv гар күү негдүлсн, неджäгъäd дружинмүд бäәнä. Эдн хоорндан, балгъсна уульнцсиг "хувадж авад, дружинä чледүднъ гер болгънд одад, теднд түүмр унтралгъна зер-зевд ямаран дуту-дунд бääхинъ дегтрмүдтән бичдж авад, тер тату-тартгинъ герин эздүдт заадж өгчәнä.

Ода дружин болгънар түүмр унтралгъна түүрүн дөнъгинъ заадж өглгънä заняты болджана. Энүг балгъсна түүмрин харулин элчнр—үүрмүд Шарманджинов болн Волошин гарддж кецхәнä.

Эн кöдлмшт пионермүд йир олар, дурлдж орлцад, түүмрин харулд дөнъгән күргхär, сән седклärн шундж кöдлджäцхәнä.

Н. ЯКОВЛЕВ.